

А Ж Р И М

(ишни кўрмасдан қолдириш тўғрисида)

Навоий шаҳри

**2023 йил 26
май**

Кармана туманлараро иқтисодий судининг судьяси Б.Джумаевнинг раислигида, судья ёрдамчиси М.Жамиловнинг котиблигида, Қизилтепа туман фермер, деҳқон хўжаликлари ва томорқа ер эгалари кенгаши даъвогар “Орзи бобо келажак нияти” фермер хўжалиги манфаатини кўзлаб, жавобгар “Textile Navoiy Group” масъулияти чекланган жамиятига нисбатан киритилган даъво аризаси бўйича ишни тарафлар вакиллари иштирокисиз ўз маъмурий биносида бўлиб ўтган очиқ суд мажлисида кўриб чиқиб, қуйидагиларни

А Н И Қ Л А Д И:

Қизилтепа туман фермер, деҳқон хўжаликлари ва томорқа ер эгалари кенгаши даъвогар “Орзи бобо келажак нияти” фермер хўжалиги манфаатини кўзлаб, жавобгар “Textile Navoiy Group” масъулияти чекланган жамиятига нисбатан 188.575.812 сўм асосий қарз, 8.674.487 сўм пеня ундиришни сўраган.

Белгиланган тартибда хабардор қилинган даъвогар ва жавобгар вакиллари суд мажлисида иштирок этмади.

Ўзбекистон Республикаси Иқтисодий процессуал кодекси (бундан буён матнда-ИПК)нинг 170-моддасига кўра, иш муҳокамасининг вақти ва жойи тўғрисида тегишли тарзда хабардор қилинган даъвогар суд мажлисига келмаса, даъвогарнинг ишни унинг йўқлигида кўриш тўғрисидаги аризаси бўлган тақдирдагина, низо унинг йўқлигида ҳал қилиниши мумкин.

Даъвогар суд ариза тақдим этиб, киритилган даъво аризасидан воз кечишини билдирган.

ИПК 107-моддаси биринчи қисмининг 8-бандига кўра, даъвогар манфаатларини кўзлаб, прокурор, давлат органи ва бошқа шахс томонидан тақдим этилган даъводан даъвогар воз кечган бўлса, суд даъво аризасини кўрмасдан қолдиради.

Шу сабабли суд, даъвогарнинг аризасини инобатга олишни даъво аризасини кўрмасдан қолдиришни лозим топади.

Иқтисодий процессуал кодексининг 118-моддасига кўра, суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилади.



Суд ишни кўриш билан боғлиқ суд харажатларини даъвогар зиммасига юклашни, даъвогар томонидан олдиндан тўлаб берилган 30.000 сўм почта харажатлари даъвогар зиммасига қолдиришни, даъвогарнинг давлат божидан озод этилганлиги сабабли давлат божи ундирмасликни лозим деб топади.

Юқоридагиларга кўра ҳамда Ўзбекистон Республикаси Иқтисодий процессуал кодекси 107-моддаси биринчи қисмининг 8-банди, 195-моддаларини қўллаб, суд

А Ж Р И М Қ И Л Д И :

Қизилтепа туман фермер, деҳқон хўжаликлари ва томорқа ер эгалари кенгаши даъвогар “Орзи бобо келажак нияти” фермер хўжалиги манфаатини кўзлаб, жавобгар “Textile Navoiy Group” масъулияти чекланган жамиятига нисбатан 188.575.812 сўм асосий қарз, 8.674.487 сўм пеня ундириш тўғрисидаги даъво аризаси кўрмасдан қолдирилсин.

Даъвогар томонидан олдиндан тўлаб берилган почта харажатлари ўз зиммасига қолдирилсин.

Ушбу ажримдан норози тараф бир ойлик муддат ичида Навоий вилоят судига апелляция тартибида шикоят қилиши, прокурор протест келтириши мумкин.

Раислик этувчи, судья
Б.Джумаев

